



杭州府志

(乾隆)

一六

杭州府志卷七十九

物產二

草木屬 藤屬竹屬附

芝 靈芝寺錢王故苑以芝生其間捨以為寺 武林舊事 寶雲山上不

時生芝 山居新語 有紫紅黃三種皆木本七識云柄如漆者是暑雨時

采蒸熟數年不變 天竺山志 青芝塢常產青芝 西湖游覽志 大滌山多靈芝

異草於潛芝草巖有芝草五色隱見不常 咸淳志 喝石巖產靈芝色

潤如玉 徑山志 玉芝白瑩如玉時有白雲罩護生大滌洞隔凡巖上

洞霄宮志

著 天目山上有養身之藥著草芫華皆名著仙經 咸淳志

仙草

出天目山

萬曆臨安縣志

菖蒲

徑山麓有畦數畝徧生菖蒲昔錢塘郎簡栖隱於此種菖

蒲數畝見菖蒲生九節餌之遂得長生今名雖存畦無田矣

餘杭縣志

菖蒲子候老收之至梅月用米飲同子嚼碎噴在大炭上則自然

生苗極細可愛昌化有此苗

癸辛雜志

虎鬚蒲

長寸許邑人以爲益供

嘉靖餘杭縣志

蒲 生下溼地可作席大根者曰昌陽非菖蒲也切不可食

康熙志

蒹 卽藍也於地窖中野水浸一宿入石灰攪之千轉澄去水乾

收用染青碧其浮沫掠去陰乾謂之蒹花卽土青黛

康熙志

有三種

蓼藍染綠大藍染碧槐藍染青三藍皆可爲澱

浙江通志

海甯東鄉有

藝者海甯縣志俗稱靛青種自乾隆三十年後新城縣志

蓬青 葉可食清明節搗汁和粉為果餌祀先一名夾麥青新城縣志

龍鬚草 可作席出東天目山萬曆臨安縣志

按本草綱目云燈心草即龍鬚草但龍須草緊小而瓢實此

草稍粗而瓢虛吳人栽之取瓢為燈炷以草織席及蓑衣

煙 一名亶茨本產於閩以石馬為最今嗜煙者衆土人多種煙

為業風會使然康熙縣志一名淡巴菰又名金絲熏來自呂宋始種於

閩今土人亦種之新城縣志厲鶚有花香詞樊榭山房詞

萬年青 能解飲食諸毒萬曆志四月八日杭俗人家植萬年青多

翦其葉棄街令人踏之則易長且新葉茂密白草鏡結實初青後紅

留至次年遇雷而落名雷震子治難產

羣芳譜

吉祥草

蒼翠如建蘭而無花涉冬不枯杭人多植甃盎置凡案

間

西湖遊覽志餘

叢生不拘土石皆可插種花開如蘭而紅色人家多植

之

羣芳譜

莎草

昌化龍鬚嶺石上莎草厚如茵褥

咸淳志

老少年

杭人多植於盆以充玩好

萬曆志

翠雲草

蒼翠如雲

康熙志

天目山尤多

天目山志

薜荔

木蓮蓬可作腐

天目山志

蘆 河渚蘆花名曰秋雪

湖壩雜記

蒹葭里俗名河渚一派沙汀水瀨

蘆花如雪

西溪百咏序

茗 溪水夾岸多茗 餘杭縣志 茗水夾岸多茗草故名 杭州經 廣茗山遍

山生茗望之翩翩作鳳尾形茗水所自出 湧幢小品

芭蕉 吳山元妙觀有蕉以盛衰卜休咎 西湖遊覽志

孀酣草 俗名奶孩兒處處人家種之葉尖大如指甲夏月開細

紫花結子采之插髮可辟膩腫 本草綱目拾遺

眉毛草 葉細如眉杭城郭外多有之 東郊土物詩 凌爾銓東郊土物眉毛草詩 春風吹

細草葉葉宛眉嫵襯花 掃尚淡著雨聲可撫

我 靈隱山穀樹下莪鬱茂沃土所生 太平御覽

胭脂草 鳳凰山洗粉池旁石壁上生草紅色名胭脂草春開細

花云可染絳 江聲草堂集 海甯產 海甯州志

本少月示

葑 初西湖水涸漸成葑田蘇公取葑積之湖中以為長隄蘇詩注

按西湖水淺土鬆易於長葑葑盛則湖必淤今濬湖去葑之役著為令甲猶蘇公遺意也

萍 富陽姥岑山腹有水沼赤萍生其中咸滄志

蘊藻 湖中蘊藻蘋荇諸水草牽風演漾彌蔓不絕土人取之以

供魚食歲計亦不下數百金西湖遊覽志餘浪頭蘊湖中草名俗云此草

多則湖水大王考功集

苔 丹泉之旁苔蘚常作紫暈大滌洞天記

虎刺 杭之西山者佳花開時子猶在樹花落又結新子至冬紅

如丹砂農圃六書

金星草

生南高峯

咸淳志

牌草

生理安老樹巖石上成全副牙牌點色

理安寺志

靈壽藤

天目山產

吳興掌故錄

卽萬歲藤

西天目志

紫藤

靈石山薛太尉墓前生紫藤徧繞三峯之上

咸淳志

地龍藤

生天目山繞樹盤屈如龍故名

本草拾遺

楊桃

藤類可紙

西天目志

朱華

藤類可蔬

西天目志

萬年藤

產虎跑寺含暉亭側大十餘圍數百年物也庚辛亂後

倖存旋被屯兵斧爲薪

新纂

桑

桑數種曰青桑白桑拳桑又有大小梅紅雞爪等

夢梁錄

環湖

沿山之田民多種桑

西湖志

富陽種大者可得葉數石愈老愈茂年

遠不敗

廣雅桑說

有女桑山桑出富陽者最佳餘縣接種者亦名富陽

桑仁和甯公塘所產睦州青四鄉多種此

乾隆志引舊志

臨安青桑名也

吳人直謂桑曰葉

劍南詩自注

浙人植桑斬其枝葉植之謂之嫁桑

種樹

書

按乾隆志引農圃六書云三月三日雨則桑葉貴四日雨尤

貴杭人云三日猶可四日殺我考陳湜花鏡云三月三日雨

桑葉無人取三月初三晴桑上掛銀屏其說相反

條桑

俗名桑秧今北關外有此市

黃省曾蠶經

出臨平長八尺其鬻

之時於正月上中二旬鬻之地於北關江漲橋

東郊土物詩注俞葆寅詩稗桑日

長養漸高七尺零和根鬪村市趨時準蠶經存燈  
節未過壓擔橋邊停臨平有專產不數臨安青

柘 柘葉飼蠶其絲作琴瑟茲清響勝凡絲新城縣志

松 九里松唐刺史袁仁敬守杭日植松於左右各三行武林舊事唐

九里松今將千歲大者五六人抱虬枝偃蹇龍幹擎攬為海內異

觀數年之間所存略盡山後桐村塢土穀祠有松六株甚奇古好

事者欲觀九里舊松於此訪之可也靈隱寺志南屏臨湖一帶自長橋

至於太子灣舊名南新路夾路多長松幾五里許蒼翠與袁仁敬

所栽九里相掩映間有枯萎明初寺僧夷簡及諸好事者補植之

淨慈寺志萬松嶺多巨松在唐時已有之矣白樂天夜歸詩云萬株松

樹青山上十里沙隄明月中南宋時密邇大內碧瓦紅簷鱗次櫛

七 物產一 五二

比今平爲大塗而松亦無幾西湖志類鈔白公詩拂城松樹一千株指

萬松嶺言今多不存咸瀆志

國朝雍正八年總督李衛補種萬株蒼翠夾道漸復舊觀西湖志洞

霄宮璇璣殿前有古松三本高若偃蓋勢轟天柱影浸丹泉如龍

蟠虬伏蓋不知幾千百年矣一夕風雨盡化爲石或云係郭文舉

手植洞霄宮志徑山有老松婆娑可蔭十畝與木蘭交枝薄青雲翳白

石松爲數千年植而木蘭亦森發離奇匪深山無此異種王在晉遊徑山

記新城文廟名宦祠有古松一株新城縣志

御愛松 湖曲園宋理宗嘗臨幸有御愛松淨慈寺志周密御

水中乾瀆舊賞有遺蹤園林幾換東風主留得亭前御愛松

天目松 松惟天目山者針短而犀健咸淳志 天目松形如蓋或高

不盈數尺一株直萬餘錢名山勝概 剔牙松在牛眠石上枝頂平圓偃

如翠蓋又多夭矯橫斜鐵屈虬驚不可摹狀天目山志

盆松 產天目天目山志 陳繼儒天目盆松詩此松天目孫嵯峨類其祖中頂秀擎雲猶堪坐巢父

羅漢松 植小有天園內程之章有咏羅漢松詩淨慈寺志 玲瓏山羅

漢松一株大可合抱坡公手植者亦名學士松萬曆臨安縣志

楮松 徑山有楮松其子甚大服之延年益壽樓鑰萬壽寺記

萬年松 南安鄉仙人石上有萬年松其狀如柏新城縣志

柏 孤山有陳時柏二株其一為人所薪山下老人自為兒時已

見其枯矣然堅悍如金石愈於未枯者僧志詮作堂於其側名之

曰柏堂東坡居士集居柏為陳天嘉二年植東坡詩云雙幹一先神物化

九朝三見太平年阜陵書此詩刻石董嗣果西湖百咏詩題註柏性堅緻有脂

而香仁利縣志塔山許公祠有方司空手植柏四株新城縣志

瓔珞柏 產天目西天目山志

杉 洞霄宮外有唐朝杉二耆老傳云昭宗景福二年閻邱先生

自天台山以孟移植於此圍二丈高三十餘丈葉雖凋減而枝益

堅或圖之以為屏障咸瀆志徑山半山亭彌望皆大杉風雨過之龍

虎吟嘯令人聳然周必大遊徑山記天目二大杉木各高千丈七人合抱

眠牛亭旁古杉一株大可七八抱田藝衡游天目山記斷崖塔院杉大

五圍唐樞游天目山記昌化產杉最多萬曆昌化縣志環徑山多絲杉蔡襄游徑山記大

楹櫨亦名千秋樹一名披杉在眞際亭下者幹高十餘丈大數圍

天目山志 中峯塔院櫨五圍一本二幹 唐樞遊天目山記 無名氏西山目大櫨詩 香臺寂寂畫沈沈

古木千尋覆碧陰法鳥似依珠樹下天龍常護寶幢明霜枝不改

煙霞色暝葉時聞風雨吟垂白山僧久忘世直因蒼翠古如今

徐渭西天目古櫨詩斷壁孤山四十圍不關雨

雪蔭霏霏柯南一箇癡螻蟻長怪曾無白日飛

楓 錢塘楓木隴舊多楓木故名 咸淳 吳山西南路其旁楓木參

天是爲楓林 吳山圖說 千本障天了無雜樹 吳山城隍廟志 天風則鳴故曰楓

城外靈隱爲盛城中雲居山西南有楓數百株相傳中峯手植霜

老葉丹爛如錦繡 康熙 太平鄉孫尙書墓有雙楓合抱 嘉靖新城縣志 新

城縣覽川有長楓山楓木皆百尺合抱 萬曆新城縣志 檀材可爲車輻又可爲斧槌諸柯 康熙 天目觀音巖方盈尺幅

中生檀樹一株長丈餘外懸歷數十年不加長西湖遊覽志餘檀有黃白

二種新城縣志

柏 葉可染阜子可取蠟核可榨油萬縣志富陽中沙民皆種柏樹

為業多數百年物有蜿蜒倒地如臥龍者有根離土而中空玲瓏

如靈鷲峯者有屈盤橫覆澗上如危橋者有若假山狀可交數十

人者說詩堂集臨安人田畔必種烏柏歲收柏子便可完糧樹大者或

收子二三石翠芳譜

樟 富陽樟巖山有大樟故名咸淳志靈隱山門外有大樹其大三

圍乃香樟也有僧謂之藥王樹靈隱寺志

櫻櫚 慈雲嶺滿山皆櫻櫚武林舊事

漆 幹如柿葉如椿花如槐實如午柰子木心色黃仁和志

桐 雲居寺唐寺內有桐一木白香山有詩雲居寺志

阜茨 其樹多刺難於采取用竹蔑箍樹本其茨過夜盡落仁利縣志

檉 環徑山多翠檉蔡襄游徑山記亦名觀音柳入藥發疹瘡本草綱目拾遺

楮 結實者雌不結實者雄葉與花並堪作茹造紙練布撚氈杭

人造醬多用其葉萬厯志作格非康熙志

樅 徑山有宋植稱樹王餘杭縣志

檜 褒親崇壽教寺中有交枝檜淨慈寺志重榮檜在天竺光明懺堂

後相傳為隋朝所植高數丈大十圍後為兵火所燎至大中祥符

間復茂故名或謂慈雲懺主灑水誦咒乃活天竺山志